

Profile of Mr. Md. Nojibur Rahman
Principal Secretary to HPM

Mr. Md. Nojibur Rahman has joined as Principal Secretary to the Hon'ble Prime Minister on 1 January 2018. Prior to this appointment he served as Senior Secretary, Internal Resources Division (IRD), Ministry of Finance and Chairman, National Board of Revenue (NBR) for three years since January 2015. Under his guidance and supervision "Good Governance and Modern Management Framework" was introduced at NBR. During his tenure NBR attained a tax-payers friendly as well as business and investment friendly image and also exceeded revenue collection targets for three consecutive fiscal years i.e. 2014-15, 2015-16 and 2016-17. Earlier he served as Secretary of the Ministry of Environment and Forests (MOEF) and also as Secretary, Statistics and Informatics Division (SID) under the Ministry of Planning.

Born on December 31, 1960 Mr. Rahman obtained Bachelor of Social Science (BSS) and Masters of Social Sciences (MSS) in Sociology in 1982 and 1984 respectively from the University of Dhaka. He studied at the Australian National University (ANU) under the prestigious Commonwealth Scholarship and Fellowship Plan (CSFP) and obtained Graduate Diploma and Masters in Development Administration in 1998 and 1999 respectively. He also undertook a Parliamentary Internship during March-May 1999 in the Australian Parliament.

Mr. Rahman served as Economic Minister at the Bangladesh Permanent Mission to the United Nations Headquarters in New York from 2009 to 2012. He was Vice President of the Executive Board of UNDP, UNFPA and UNOPS. Besides, he worked as the Lead delegate of Bangladesh at the United Nations Economic and Social Council (ECOSOC), UNICEF and UN Women Executive Boards. He actively took part in the negotiation process for the system wide coherence Resolutions (2009-2010), the 4th UN Conference on LDCs (2011) and the UN Conference on Sustainable Development-UNCSD/Rio+20 (2012) to promote and protect the interests of LDCs. He was a member of different Advisory Committees of UNDP and UNFPA.

A member of the 1982 regular batch of Bangladesh Civil Service Administration Cadre, he previously worked as the Director General (Additional Secretary) of the Department of Environment (DOE), Joint Secretary in the Local Government Division (LGD), Deputy Secretary (UN) in Economic Relations Division (ERD) and Private Secretary to the Hon'ble Speaker of Bangladesh Parliament. He has got the experience of working in the Field Administration, Rajuk, Foreign Office, ERD, BNCC and the Bangladesh Embassies (in Myanmar and Vietnam) abroad.

He has a number of publications to his credit. His book on 'Protocol Management and International Etiquette' (1997) has been well acclaimed among others by the Parliamentarians and the Public servants. His other books titled 'Independence of the Speaker: Westminster Model and the Australian Experience' (2000) and 'Ombudsman in Bangladesh-a step towards good governance' (2001) were published respectively by the Institute of Parliamentary Studies (IPS) of Bangladesh Parliament and the UBS Publishers and Distributor Ltd in New Delhi, India. His last two books 'Speaker and Ombudsman: Ethics and Good Governance' and 'Protocol Management & International Etiquette-Revised Edition' (2017) have generated huge interests among public servants.

He visited many countries in the Asia, Europe, Africa, Australia, North America and South America to lead Bangladesh and UN delegations and to participate in numerous seminars and conferences held under the aegis of the United Nations (UN), Commonwealth Secretariat, Inter-Parliamentary Union (IPU), Commonwealth Parliamentary Association (CPA), 'Colombo Plan' and SAARC Secretariat.

Mr. Rahman is married to Mrs. Nazma Rahman who is a writer and a singer. They have two sons, Fuad Rahman and Farabi Rahman.

**জনাব মো: নজিবুর রহমান,
প্রধানমন্ত্রীর মুখ্য সচিব,
প্রধানমন্ত্রীর কার্যালয়
এর সংক্ষিপ্ত জীবন বৃত্তান্ত :**

জনাব মোঃ নজিবুর রহমান সিলেট বিভাগের সুনামগঞ্জ জেলার ছাতক উপজেলার গণেশপুর গ্রামে ১৯৬০ সালে এক সম্ভ্রান্ত মুসলিম পরিবারে জন্মগ্রহণ করেন। তাঁর পিতা মরহুম হেকিম নজাবত আলী এবং মাতা মরহুমা সামসুন্নেছা আলী। তিনি ঢাকা বিশ্ববিদ্যালয় থেকে সমাজ বিজ্ঞান বিষয়ে ১৯৮২ সালে স্নাতক এবং ১৯৮৩ সালে স্নাতকোত্তর ডিগ্রী অর্জন করেন। কমনওয়েলথ স্কলারশিপ এবং ফেলোশিপ প্রোগ্রামের আওতায় তিনি ১৯৯৯ সালে সাফল্যের সাথে অস্ট্রেলিয়ান ন্যাশনাল ইউনিভার্সিটি থেকে ‘ডেভেলপমেন্ট এডমিনিস্ট্রেশন’ বিষয়ে মাস্টার্স ডিগ্রী অর্জন করেন। তিনি দুই পুত্র সন্তানের জনক। মিসেস নাজমা রহমান তাঁর সহধর্মিণী এবং সকল সৃজনশীল কাজের প্রধানতম অনুপ্রেরণা।

জনাব রহমান ১৯৮২ সালে বাংলাদেশ সিভিল সার্ভিস (প্রশাসন) ক্যাডারে যোগদান করেন। তিনি গত ০১.০১.২০১৮ তারিখ হতে প্রধানমন্ত্রীর কার্যালয়ে মাননীয় প্রধানমন্ত্রীর মুখ্য সচিব হিসেবে দায়িত্ব পালন করছেন। তিনি এর অব্যাহিত পূর্বে অর্থ মন্ত্রণালয়ের অভ্যন্তরীণ সম্পদ বিভাগের সিনিয়র সচিব ও জাতীয় রাজস্ব বোর্ডের চেয়ারম্যান পদে জানুয়ারি ২০১৫ থেকে কর্মরত ছিলেন। তাঁর নেতৃত্বে জাতীয় রাজস্ব বোর্ডে ‘সুশাসন ও আধুনিক ব্যবস্থাপনা পদ্ধতি’ প্রবর্তিত হয়েছে এবং পর পর তিন বছর ২০১৪-১৫, ২০১৫-১৬ ও ২০১৬-১৭ অর্থ বছরের রাজস্ব লক্ষ্যমাত্রা শুধু অর্জিতই হয়নি বরং অতিক্রম করা হয়েছে। দেশের সর্বক্ষেত্রে একটি রাজস্ব-বান্ধব সংস্কৃতি প্রতিষ্ঠা প্রয়াসে বিভিন্ন উদ্ভাবনী পদ্ধতি প্রয়োগ করে এবং সম্মানিত করদাতাদের ট্যাক্স আইডি কার্ড প্রবর্তন করে তিনি ব্যাপক সমাদৃত হন। করদাতা-বান্ধব পরিবেশ সৃষ্টি, কর্মকর্তা-কর্মচারীদের পদোন্নতি ও সুযোগ সুবিধা বৃদ্ধি করে তিনি এক অভূতপূর্ব প্রাণচাঞ্চল্য তৈরি করেছেন। ইতঃপূর্বে তিনি পরিবেশ ও বন মন্ত্রণালয়ের সচিব এবং পরিকল্পনা মন্ত্রণালয়ের অধীন পরিসংখ্যান ও তথ্য ব্যবস্থাপনা বিভাগের সচিবের দায়িত্ব ও সফলতার সাথে পালন করেছেন। পরিসংখ্যান ও তথ্য ব্যবস্থাপনা বিভাগের সচিব হিসেবে তিনি বাংলাদেশের মাথাপিছু আয়ের প্রকৃত হিসাব নির্ণয় করে মাথাপিছু আয় ৯২৩ থেকে ১১৯০ এ উন্নীত হয়। তিনি অত্যন্ত সফলতার সাথে অর্থনৈতিক শুমারী ২০১৩ সম্পন্ন এবং জিডিপি’র ভিত্তি বছর ১৯৯৫-৯৬ থেকে ২০০৫-০৬ উন্নীত করেন।

তিনি নিউইয়র্কে জাতিসংঘের বাংলাদেশ স্থায়ী মিশনে ইকোনমিক মিনিস্টার পদে কর্মরত ছিলেন। এ সময় তিনি ইউএনডিপি, ইউএনএফপিএ এবং ইউএনওপিএস এর নির্বাহী বোর্ডের ভাইস প্রেসিডেন্ট হিসেবেও দক্ষতার সাথে দায়িত্ব পালন করেছেন। এছাড়া তিনি অর্থনৈতিক সামাজিক পরিষদ (ECOSOC) এ বাংলাদেশের মুখ্য ডেলিগেটের দায়িত্ব পালন করেন এবং ৪র্থ এলডিসি সম্মেলন (২০১১) ও বিশ্ব টেকসই উন্নয়ন সম্মেলন (R10+20, 2012) বাংলাদেশ ও এলডিসি দেশসমূহের স্বার্থ সংরক্ষণে অন্যতম মুখ্য নেগোশিয়েটর হিসেবে দায়িত্ব পালন করেন। তিনি জাতিসংঘের বেশ কয়েকটি রেজুলিউশনের ওপর নেগোসিয়েশন রাউন্ডের সভাপতি (Facilitator) এর দায়িত্ব পালন করে সকল সদস্য রাষ্ট্রের প্রশংসা অর্জন করেন। তিনি UNDP ও UNFPA এর বিভিন্ন উপদেষ্টা কমিটির সদস্য হিসেবে দায়িত্ব পালন করেন। ২০১০ সালে MDG শীর্ষ সম্মেলনের জন্য UNDP প্রণীত “What will it take to achieve MDGs by 2015” প্রতিবেদন প্রস্তুতের জন্য গঠিত Technical Advisory Panel (TAP) এর একজন সক্রিয় সদস্য ছিলেন। উক্ত প্রতিবেদনটি ২০১০ সালে জি-২০ (G20) সম্মেলন ও জাতিসংঘের High Level Meeting on MDG এ অংশগ্রহণকারী সকল সরকার ও রাষ্ট্রপ্রধানের বিবেচনার জন্য উপস্থাপিত হয়। তিনি ২০১২ সালে বাংলাদেশের UN Peace Building কমিশনের সভাপতির দায়িত্ব গ্রহণের সুযোগ অর্জনের জন্য গুরুত্বপূর্ণ ভূমিকা পালন করেন। জাতিসংঘে থাকাকালে বাংলাদেশের স্বার্থ সংরক্ষণের ব্যাপারে ও বাংলাদেশের অর্জনের ব্যাপারে তাঁর লিখিত দুটি নিবন্ধ সদস্য রাষ্ট্রসমূহের বিশেষ মনোযোগ আকর্ষণ করে যা স্থায়ী মিশন কর্তৃক প্রকাশিত গ্রন্থ Bangladesh at The UN ও 40 Years of Bangladesh Membership to the UN এ অন্তর্ভুক্ত হয়েছে।

বর্তমানে তিনি গ্রীন ক্লাইমেট ফান্ড (জিসিএফ) এর আওতায় সকল স্বল্পোন্নত দেশের প্রতিনিধিত্বকারী বিকল্প সদস্য এবং জিসিএফ এর গুরুত্বপূর্ণ নিয়োগ কমিটি এর সদস্য হিসেবে দায়িত্ব পালন করছেন।

তিনি ইতঃপূর্বে অতিরিক্ত সচিব হিসেবে ২০০৯ সালে পরিবেশ অধিদপ্তরের মহাপরিচালকের দায়িত্ব পালন করেন। সে সময়ে বাংলাদেশে পরিবেশ সংরক্ষণ সম্পর্কিত বিভিন্ন কার্যক্রমকে প্রাতিষ্ঠানিক রূপ দিতে এবং বাংলাদেশ ক্লাইমেট চেঞ্জ স্ট্র্যাটেজি এন্ড এ্যাকশন প্ল্যান (BCCSAP) চূড়ান্তকরণে গুরুত্বপূর্ণ ভূমিকা পালন করেন। তিনি ট্রান্সপারেন্সি ইন্টারন্যাশনাল, ক্যানবেরা, অস্ট্রেলিয়া'র অন্যতম প্রতিষ্ঠাতা সদস্য। একইসাথে জাতিসংঘ জলবায়ু পরিবর্তন কাঠামো (UNFCCC) এর আওতায় আন্তর্জাতিক নেগোসিয়েশনে সফলতার সাথে বাংলাদেশের নেতৃত্ব প্রদান করেন।

জনাব রহমান যুগ্ম সচিব হিসেবে স্থানীয় সরকার, পল্লী উন্নয়ন ও সমবায় মন্ত্রণালয়ের স্থানীয় সরকার বিভাগের প্রশাসন অনুবিভাগের প্রধান হিসেবে দায়িত্ব পালন করেন এবং জেলা পরিষদ, উপজেলা পরিষদ ও ইউনিয়ন পরিষদের আইনগত কাঠামো, আর্থিক ক্ষমতায়ন ইত্যাদি বিষয়ে বিভিন্ন গুরুত্বপূর্ণ উদ্যোগ গ্রহণ করেন। তিনি বেশ কিছুদিন স্থানীয় সরকার প্রশিক্ষণ প্রতিষ্ঠান এনআইএলজি এর মহাপরিচালকেরও দায়িত্ব পালন করেন। সে সময় এলজিএসপি প্রকল্প, ভিলেজ কোর্ট প্রকল্প ইত্যাদির সফল বাস্তবায়নে এবং স্থানীয় সরকার বিভাগে ডিজিটাল কার্যক্রম বাস্তবায়নে বিশেষ উদ্যোগ গ্রহণ করেন।

জনাব নজিবুর রহমান ২০০৪-২০০৭ সাল পর্যন্ত লিয়েনে ইউএনডিপি'র অর্থায়নে প্রতিষ্ঠিত **Comprehensive Disaster Management Programme (CDMP)** এর প্রতিষ্ঠাতা **Project Manager (Deputy Leader)**, UNDP'র সহকারী আবাসিক প্রতিনিধি/সহকারী আবাসিক পরিচালক এর দায়িত্ব পালন করেন। সে সময়ে UNDP'র **Governance Unit** এর প্রধান হিসেবে তিনি নির্বাচন কমিশন শক্তিশালীকরণ প্রকল্প, পুলিশ রিফর্ম প্রকল্প, বিচার বিভাগ শক্তিশালীকরণ প্রকল্প, **Civil Service Capacity Building** প্রকল্প ইত্যাদির তত্ত্বাবধান করেন। এসময় তিনি বাংলাদেশে ছবিযুক্ত ভোটার আইডি কার্ড প্রকল্প কার্যক্রম শুরুর বিষয়েও অগ্রণী ভূমিকা পালন করেন। এছাড়াও তিনি জাতিসংঘ সদর দপ্তরের সাথে বিশেষ করে **UN Department of Political Affairs** এবং **UN Electoral Assistance Division** এর সাথে ঘনিষ্ঠ যোগাযোগ রক্ষা করে বাংলাদেশে নির্বাচনের সুষ্ঠু পরিবেশ স্থাপনে ভূমিকা রাখেন।

জনাব রহমান ২০০১-২০০৩ সালে অর্থনৈতিক সম্পর্ক বিভাগের উপসচিব হিসেবে জাতিসংঘ অনুবিভাগে দায়িত্ব পালন করেন এবং বাংলাদেশে UNDP, UNFPA, UNICEF সহ বিভিন্ন আন্তর্জাতিক সংস্থার বিভিন্ন কার্যক্রম চূড়ান্তকরণ ও মনিটরিং এর দায়িত্ব পালন করেন। এর আগে তিনি ১৯৯৬-২০০১ সন পর্যন্ত বাংলাদেশ জাতীয় সংসদের মাননীয় স্পীকার মরহুম জনাব হুমায়ুন রশীদ চৌধুরীর একান্ত সচিবের দায়িত্ব পালন করেন। এসময় তিনি বাংলাদেশ জাতীয় সংসদ এর আধুনিকায়ন ও অন্যান্য পার্লামেন্টের সাথে দ্বি-পাক্ষিক সম্পর্ক স্থাপন (**Inter Parliamentary Relation Building**) এবং IPU ও CPU এ বাংলাদেশের কার্যকর অংশগ্রহণের ব্যাপারে সক্রিয় ভূমিকা পালন করেন। তিনি **Institute of Parliamentary Studies** এবং জাতীয় সংসদ সচিবালয়ে প্রেস গ্যালারী প্রতিষ্ঠা ও কার্যকর করার ব্যাপারে গুরুত্বপূর্ণ ভূমিকা পালন করেন।

তিনি ১৯৯১-১৯৯৪ সাল পর্যন্ত মিয়ানমারস্থ বাংলাদেশ দূতাবাসে প্রথম সচিব ও হেড অব চ্যান্সারী এবং চার্জ দ্যা এ্যাসফেয়ার্স এর দায়িত্ব পালন করেন। একই সময় তিনি ভিয়েতনামেও প্রথম সচিবের সমবর্তী (**Concurrent**) দায়িত্ব পালন করেন। এ সময় তিনি বাংলাদেশ-মিয়ানমার বাণিজ্য সম্প্রসারণ ও রোহিঙ্গা শরণার্থীদের সমস্যা সমাধানের বিষয়ে গুরুত্বপূর্ণ ভূমিকা পালন করেন।

জনাব রহমান ১৯৯৪-১৯৯৫ সালে ব্রাহ্মণবাড়িয়ার কসবা উপজেলায় কেন্দ্রীয়/জাতীয় সরকারের প্রতিনিধি হিসেবে উপজেলা/থানা নির্বাহী অফিসারের দায়িত্ব পালন করেন। এর পূর্বে তিনি ১৯৮৭-১৯৮৮ সালে রাজধানী উন্নয়ন কর্তৃপক্ষের ম্যাজিস্ট্রেট হিসেবে দায়িত্ব পালন করেন। এছাড়া সিভিল সার্ভিসের শুরুর দিকে তিনি ১৯৮৪-১৯৮৭ সাল পর্যন্ত সিলেট জেলায় নেজারত ডেপুটি কালেক্টর, সহকারী কমিশনার এবং নির্বাহী ও বিচারিক ম্যাজিস্ট্রেট হিসেবে দায়িত্ব পালন করেন।

জনাব রহমান পেশাগত দায়িত্ব পালনের অংশ হিসেবে বিভিন্ন আন্তর্জাতিক কনফারেন্স/ওয়ার্কশপ/সেমিনারে অংশগ্রহণ করেছেন। তিনি নিউইয়র্কে যথাক্রমে ২০০৯, ২০১০, ২০১১, ২০১৪ ও ২০১৫ সালে জাতিসংঘ সাধারণ পরিষদের ৬৪তম, ৬৫তম,

৬৬তম, ৬৯তম ও ৭০তম অধিবেশনে যোগদান করেন। এছাড়া তিনি ২০১০-২০১২ সালে জাতিসংঘের বেশ কিছু প্রতিনিধিদলের নেতা হিসেবে ল্যাটিন আমেরিকা ও আফ্রিকান কয়েকটি দেশ সফর করেন। একজন দক্ষ ও মেধাবী কর্মকর্তা হিসেবে তিনি পেশাগত দায়িত্ব পালনে সততা, নিষ্ঠা ও একাগ্রতার মাধ্যমে সকলের আস্থা, শ্রদ্ধা ও ভালোবাসা অর্জন করতে সক্ষম হয়েছেন।

তিনি অনেকগুলো গ্রন্থ রচনা করেছেন। **Protocol Management and International Etiquette, Ombudsman in Bangladesh: A step towards good governance** এবং **Independence of the Speaker: the Westminster Model & the Australian Experience** তাঁর রচিত উল্লেখযোগ্য গ্রন্থ। তাঁর অন্যান্য গ্রন্থের মধ্যে উল্লেখযোগ্য হচ্ছে ইংরেজি ভাষায় প্রকাশিত ‘বাংলাদেশ ন্যাশনাল-সুশাসনের পথে আরেক পদক্ষেপ’, ‘স্বীকারের স্বাধীনতা’ ইত্যাদি। ‘পল্লী উন্নয়ন’ ‘রাজনৈতিক ইতিহাস’ এবং ‘সাহায্য সমন্বয়’ বিষয় সম্পর্কে তাঁর বেশ কয়েকটি মূল্যবান নিবন্ধ বিভিন্ন জার্নালে ও সাময়িকীতে প্রকাশিত হয়েছে। এছাড়াও ‘শিল্প ব্যবস্থাপনা’ ‘শ্রম কল্যাণ’ এবং ‘পৌর প্রশাসন’ সম্পর্কে তাঁর একক এবং যৌথ রিসার্চ মনোগ্রাফ রয়েছে। তিনি বিভিন্ন প্রশিক্ষণ প্রতিষ্ঠানে ‘প্রটোকল ও শিষ্টাচার’, ‘নেতৃত্ব ও নৈতিকতা’, ‘সুশাসন ও আধুনিক ব্যবস্থাপনা’ বিষয়ে প্রশিক্ষণ প্রদান করেন।

জনাব নজিবুর রহমান ছাত্রজীবন থেকে স্কাউটিং আন্দোলনের সাথে জড়িত ছিলেন। তিনি ইতঃপূর্বে বাংলাদেশ স্কাউটস এর জাতীয় কমিশনার (উন্নয়ন) ও বিভিন্ন কমিটির (যথা-সাংগঠনিক কমিটি, রেজিস্ট্রেশন কমিটি ইত্যাদি) সভাপতি হিসেবে দায়িত্ব পালন করেছেন এবং স্কাউটসের অগ্রযাত্রায় গুরুত্বপূর্ণ ভূমিকা পালন করছেন। তিনি স্কাউটের জাতীয় কাব ক্যাম্পুরী আয়োজনকারী কমিটির সভাপতির দায়িত্ব পালন করেন। তিনি অসামান্য অবদানের জন্য ২০১৬ সালে বাংলাদেশ স্কাউটসের ২য় সর্বোচ্চ ‘রৌপ্য ইলিশ’ এওয়ার্ডে ভূষিত হয়েছেন। এছাড়া বিগত ২০০৩-২০০৪ সালে বাংলাদেশ ন্যাশনাল ক্যাডেট কোরের (বিএনসিসি) উপপরিচালকের দায়িত্ব পালনকালে তিনি বিএনসিসি’র সম্প্রসারণ ও প্রাতিষ্ঠানিক সক্ষমতা বৃদ্ধির ব্যাপারে গুরুত্বপূর্ণ ভূমিকা রাখেন।

কর্মজীবনে তিনি থাইল্যান্ড, মিয়ানমার, সিঙ্গাপুর, ফিলিপিন্স, ভিয়েতনাম, জর্দান, ইরাক, দুবাই, সৌদি আরব, ওমান, ভারত, পাকিস্তান, ফ্রান্স, ইতালী, জার্মানী, বেলজিয়াম, দক্ষিণ কোরিয়া, চীন, মেক্সিকো, সুইজারল্যান্ড, নেদারল্যান্ডস, লুক্সেমবার্গ, যুক্তরাজ্য, মরিশাস, কানাডা, যুক্তরাষ্ট্র, পেরু, কম্বোডিয়া, মালয়েশিয়া, কেনিয়া, ভুটান, ইথিওপিয়া, অস্ট্রেলিয়াসহ বিশ্বের বিভিন্ন দেশ সফর করেন।
